

玄覺真經

玄覺真經 蔡玄默侍乩

呂純陽祖師自序 梁崇仁恭錄

雲鶴山房建壇。行將廿載。道侶雖不甚眾。然真修之士大不乏人。故壇場莊嚴。精研至道之精神。一時無兩。惟是道海無涯。非有慈航普渡。難登彼岸。因有懇求仙佛賜經之議。發心慈悲。蓋亦抱度己度人之志。眾仙佛咸嘉其誠。允其所請。嘗云。經者徑也。宜予坦途。務使人人皆能安步而至。庶無崎嶇跋涉之苦。去隱晦之言。俾易領悟力行。堪稱修真寶筏。顏其名曰。玄覺真經。願天下同修。咸登覺岸。長住仙鄉。丁巳九月之朔。純陽於雲鶴山房。

鍾離太祖師賜序

上古民風淳樸。飲食器用多以自給。故不見可欲。純任自然。真性不泯。成真成佛者輩出。迨後人事漸繁。物慾紛擾。乃致神驚心疲。勞形瘁力。多不

自知其所爲何事。遑論修真。是以得道者漸寡。百年以來。西風東漸。影響所及。視國粹爲糟粕。棄如弊屣。毫不反顧。而奉泊來之糟粕爲拱壁。遂至禍亂紛乘。良可慨也。幸有深智遠識之士。衛道研玄。以冀挽回頽風。登斯民於衽席。用心良苦。仙佛又豈忍見世道沉淪。純陽賜玄覺真經於雲鶴山房。余喜而爲序。丁巳九月。雲房於香江。

混元道祖太上老君賜序

香港彈丸之地。而道堂寺院林立。慕道修真者。可謂衆矣。然能得其徑者則鮮。摘埴索塗。實至難得。純陽憫修道者之艱。降玄覺真經於香港雲鶴山房。本其普渡之初衷。大顯玄微。爲修真者之南針。爲修真者之寶筏。請序於余爰綴數言云爾。丁巳九月李伯陽於雲鶴山房。

混元威顯赤松黃大仙師賜序

純陽與余。亦師亦友。時相往還。每談及近世修真者之爲况。覺其未得津梁之爲艱。蓋舊存經本。或過艱深。不易索解。或過冗繁。無暇涉覽。遂至坐擁羣經。猶同虛設。思以淺近文辭。指通玄奧。使修真者無復以鑽研經籍爲苦。慈悲心腸。孰能過之。丁巳年秋降玄覺真經於雲鶴山房。嗇色園與雲鶴山房一水之隔。同結至緣。余闡化是方。他日經成面世。修真者如獲至寶。蓬萊咫尺。一任逍遙矣。丁巳秋初平於香江。

大慈大悲觀世音菩薩賜序

世人喜譽吾爲釋家之呂純陽。而譽純陽爲道家之觀世音。蓋同以普度衆生爲己願耳。况慈悲爲懷。以衆生之疾苦爲疾苦耶。今純陽應其門下弟子之懇求。爲降玄覺真經於雲鶴山房。非只雲鶴山房衆弟子之幸。亦普天之下修行人之幸也。吾與雲鶴山房弟子諸衆。因指習玄功之便。時相聚會。悉洞其機。

願諸有緣。藉此梯航。遨遊於仙鄉佛國之間。是爲序。丁巳秋。觀世音。

太乙雷聲應化天尊賜序

余嘗誓爲修真者護持。數百年來閱歷。不少修真之士。爲求福壽而來。從無參悟經懺。遇逆境時即詈罵仙佛不予嘉庇。處順境時則得意忘形。不知其來何自。非行道人之所當爲也。晚近之世。類此之徒尤多。須知論道談玄。當明因果。而能悉心參悟者稀矣。曩者經文義理深奧。瞭解較難。亦有望之而却步者。聞道難有如是耶。純陽呂師深知其因。故降玄覺真經。言淺而意深。籍因參悟。各隨其緣。可稱修真之捷徑。余忝爲護持之責。尤爲後之行者欣幸也。先天靈祖丁巳年九月於雲鶴山房。

玄真洞主雙卿劉大仙師賜序

世之研玄者。多以其奧秘莫測。難得其徑。非有根

基者。雖竭畢生之力。難冀明其宏旨。是以揣測附會。紛紜其說。或至背道而馳。去道日遠。使行道者莫知所從。故必須喚醒歧途。回向正道。方可冀其有成也。純陽師尊玄覺真經降世。本其度世濟衆之宏願。但望世之同修者。得此津梁。勤修善業。他日同證仙果。永樂瀛洲。師命爲序。謹綴數言。以勵來茲。雙卿謹序。

玄虛順化孫不二仙師賜序

玄覺真經者。覺修玄者之未覺也。純陽祖師降是經於塵寰。大悲大願。予後學以津梁。爲修真之寶筏。闡釋玄微。揭天地之秘。誠非易得。但願同門衆道侶等。虔修禮誦。至大徹悟。同證道果。共樂仙鄉。丁巳九月。孫不二降。

昊天至尊玉皇大帝賜序

玄門修悟證覺真心經鍊不磨世事如棋一局

忘年莫笑爛柯 純陽慈悲度世 願衆皆渡塵河
用此爲玄覺真經之序。丁巳仲冬於雲鶴山房。

純陽祖師降示

瑯樓才宴罷。駕鶴下塵寰。履約來降示。玄覺在人
間。經義貴淺釋。可以去繁難。修真貴了悟。仙鄉
他日還。艱深不能解。對面如隔山。昔日諸經中。
語多難適從。遂使真修客。長年枉費功。欲除此通
病。顯然慕新風。願教學道人。修持倍自珍。

第一章 明道篇

玄玄非玄 惟法自然 自然爲道 居天地先
化生萬物 世態多遷 由無至有 已忘其年
源清流濁 憂慮相纏 名利競逐 禍患相煎
以利忘義 災難自延 行仁履義 貪嗔癡妄
務能盡捐 屏除俗念 勝煉汞鉛 福由自召
祇在心田 世人不悟 帝我見猶憐 爲解困惑

故降是篇

釋義之一

此篇淺釋修道之意義。而首曰。玄玄非玄。驟觀之。似反前言之意。而實非也。蓋玄之又玄。衆妙之門。本謂道之奧秘。高深莫測。玄。即言道也。衆妙之門者。即謂天地萬物所由生也。是未有天地之前。大道已是存在。故大道可化育天地萬物。大道無名無形。其始也。天地萬物俱是無名無形。與道同在。而道又不言不名。太上曰。道。可道。非常道。道既無名無形。又何以道之。是後人強名之曰道。而以傳諸後也。如是觀之。衆等可知道爲何物乎。余前屢經闡述。謂道者自然也。故云道法自然。即謂宇宙萬物俱在道之中。太上道德經中亦曾詳述其理。今補充一句。自然之發展。必有其一定之規律可循。大焉者。如天地之運行。寒暑之有序。在人乃曰倫常。一蟲。一鳥。一草。一木。俱有其

一定之規律生長。逆則返常。律以因果。其變必生矣。以上所述。俱見顯然。故云。玄玄非玄也。世事亦然。能洞悉之者。則雖欲玄而不能矣。反之。一無見識。則雖非玄而亦玄矣。

釋義之二

大道化生天地萬物。由其功成而不自居。故知其無爲而爲。天地自然。循道而生也。萬物作矣。而人爲萬物之靈。或自命可有征服自然者。其實可能與否。可不待言矣。近代科學昌明。猶未能克服自然之限制。人祇有利用自然。增加其生活上所需之方便而已。世人科學之新發明。其實亦未嘗超乎道也。故云衆妙之門。即此之意。道字。至此應可明矣。至云修道。應先修人道。理亦至明。本無須贅詳。試思倫常不修。性命何存。在入道之中。修性修命。肅整倫常。常言自古無有不忠不孝之神仙。可知神仙乃從人道修來。人道如何修起。上文已明言。

。汝等可自修悟。前篇既已明道。惟語尚簡括。智者應能明瞭。即愚者應當參悟。首句曰。玄玄非玄。所以鼓勵來茲。因言其非玄。方可以探其奧秘也。往者云。玄之又玄。以至學道者每多望門却步。即既入道者。亦多終生不知何以爲玄也。是以首當明白玄之爲義。既知玄即自然。自然即道。則思過半矣。每見道門徒衆。遇不可解之事。則曰玄之又玄。一句抹煞。則大悞矣。衆等讀太上道德經。分明輾轉剖折言之。舉凡一切事物。必存其義理。方可以放諸六合而皆準。傳諸今日而不沒。孔聖格物致知之精神。於今學者仍奉爲金科玉律。儒家學說能至今而不替。端賴歷代學者之闡揚。吾道之說。亦曾經多代爲朝野所崇尚。故人才輩出。成仙成真者衆。迨後之學者。漸失其面目。甚或借道之名。以遂其一己之私。是何足以言道哉。或有誤言道尚無爲。垂手而無所事。使人類社會開倒車。則其誤更甚矣。須知道尚無爲。非垂手而活也。前曾闡

述多次。衆等諒未忘懷。道尚無爲而無不爲。此「
無不爲」三字。正好說明矣。就以無爲二字。而使
後學者爭論紛紜。其不能自明者。乃置學道而弗顧
。此亦道緣之所限乎。蓋物欲愈熾。則道學愈微使
然也。大道無名無形。昔云。不言之教。古時民風
淳樸。無待言之而能行。方今民尚浮華。物慾方熾
。道心式微。則雖言之而猶恐未能行也。道旣失而
有德。德失而後仁。仁失而後義。義失而後禮。據
是論之。則今日道德仁義。已亡過半矣。非只道德
沉淪。而仁義亦已非。故至世無寧日也。道失而後
德。上德不德。以其不德。故仍存道。不德與無爲
義同。旣德而不知其爲德。孔聖以大學之道。在明
明德。勉其門人。所謂明德者。光輝之德性也。在
於朋友。和睦親鄰。皆德所至也。譬如忠於君國。信
甚繁。舉凡處世修身齊家治國。莫不有賴。次篇則
在明德。其章句頗繁。今夕恐未能盡錄。故先述其

概耳。

第二章 明德篇

明德至善。大學首篇。尊道貴德。本乃自然。善道曰德。循道向前。靜觀世變。幻境自煎。守真抱樸。禍不干連。超凡拔俗。無礙無牽。居厚去薄。以柔勝堅。無巧無拙。不陋不妍。上德不德。無爲着先。除華務實。玄德尚焉。太上曰。萬物莫不尊道而貴德。道者。物之所由。德者。物所得。故曰。玄之又玄。衆妙之門。是云。道生萬物。本乎自然。既明道者。故曰。玄玄非玄。即此之意。德人者。居無思。行無慮。不藏是非。善惡。是亦法乎自然之意。物之得於道者。純任自然。爲無爲而無不爲。悉以利於衆生爲旨。乃世人一自足踏紅塵。即爲物欲所囿。煩惱叢生。妄念頻起。遂使清白之軀。頓溺塵河之污染。其源雖清而流也濁。其可奈何。至是。即可謂道德淪亡。禮義

猶不足以維繫人心。大巧大偽。由是而生。凡人每
多只顧一己之私。而罔顧他人之疾苦。人面獸心。
舉目皆是。彼爭此奪。幾無寧日。能不概然。太上
曰。不尊賢。使民不爭。不貴難得之貨。使民不盜
。不見可欲。使民心不亂。乃有見及此而發也。物
既有所由而終無所得。違道非德。世道傾頹。孰思
見而不救。仙佛本具慈悲之懷。但願一切衆生。皆
成正果。茲再淺述其義。德者。直心之行。明德篇
伊始。謹綴數言。爲衆勗勉。既研義理。可得幾何
。靜中推論。舉凡世態人情。乃至物理天然。莫不
可以相提並論。由微見著。不可拘泥於一事一物。
方有心得。蓋舉一隅足與三隅反。所謂放之則彌六
合是也。居厚。即持德。去薄。即去世之偽也。禮
義出而大偽生。世人失却道德。然後以仁以義以禮
以維繫之。既曰維繫。必有踰越之行。大偽所至也
。法由是而生。用以控亂求治也。然此種種。實皆
楊湯止沸之方。實非善治也。一生則寧。毋待於嚴

刑峻法以臨其民也。民既不爭不盜不亂。何待刑法爲。巧不以爲巧。則雖巧不巧。拙不以爲拙。則雖拙不拙。蓋其識別不同。此之大巧。不如彼之大拙。又何所據而云之。爲陋爲妍。其理合一。

第三章 行道篇

立身行道以善爲先。身雖世界。達道之緣。抱一爲式。守撲心堅。去除俗慮。塵念乃捐。悉力赴事。成敗聽天。不慕名利。無苦憂煎。忘懷物我。無欲無牽。窮通否泰。一任自然。清濁動靜。持己不遷。利物濟衆。廣植福田。逍遙自適。地上行仙。

行道本乎天然。而德者。乃倫常之律。故云尊道貴德。人生於世。社會云者。乃倫常之異名同義之詞而已。人與人。或人羣之與人羣之間之關係。今日社會關係。實亦倫常關係而已。曰君臣。曰父子。曰

兄弟。曰夫婦。曰朋友。此五端者。倘能至諸善。則世事乃寧。紛爭乃已。戰亂更可消於無形。人各事其所好。人各得其所需。是謂太平盛世。欲臻此境者。常德尚焉。因命此篇曰常德。

第四章 常德篇

德由道來。端在倫常。忠於國。是永壽無疆。父慈子孝。聲名顯揚。兄弟恭和。樂吉祥。夫婦相敬。家道興昌。友重信義。甘苦共嘗。窮通否泰。何用較量。常清常靜。無災無殃。悠然自得。如在仙鄉。能至是者。山高水長。至論世態炎涼。人情幻變。尤其是令人歎息。溯其所以然者。失於道也。蓋道德仁義禮。乃相乘而生。禮興則偽出。奸巧相隨。凡人以私利而忘義。遑論道德。仙佛悲世憫人。施慈航之渡。冀挽羣生於水火。觀世之疾苦。方能施濟世之功。仿如診病之所。

在。方可施以針砭。以奏治療之功。故爲是篇。

第五章 觀世篇

紛紜人境 擾攘塵寰 名韁利鎖 誤了玄關
能致清靜 大道自還 刀兵征伐 性命傷殘
罔由道德 積惡如山 誤入歧路 非是等閒
及時猛省 回頭自歡 連雲廣廈 幾人能安
草廬茅舍 適則開顏 有餘不足 作如是看
世情冷暖 徹悟自閒 歲月千秋 何復他求
溫飽之外 應可忘憂 霜雪滿道 白髮滿頭
瞬息百歲 快樂自由 一着貪念 煩惱多愁
逍遙自適 即在丹丘

第六章 住世篇

自入塵境 或蒼或黃 各尋生理 竟日慌忙
真性漸泯 施威逞強 巧取豪奪 不擇其方
物欲熾心 乃至瘋狂 獸心人面 遍道豺狼

唯慕君子 慎爾提防 抱道修德 爲善降祥
此非彼是 說短論長 青睞白眼 世態炎涼
安份守己 用柔制剛 不羨名利 不露毫芒
風清月朗 鳥語花香 清靜淡薄 好度時光
功圓行滿 返旆仙鄉

世態每多如是。趨炎則以青睞。執禮唯恐不週。赴
涼則白眼頻加。奚落於人唯恐不甚。此爲修真者所
不取。蓋一切衆生。同列平等耳。何分賢愚貴賤。
惟世人則多不以爲然。吾人旣知有此境况。當能善
處。故云。寵辱不驚。寵者譽之。辱者毀之。故毀譽
之來。其果每多相反。譽我者。焉知其是否蓄意砌
詞求悅於我而遂其所圖。毀我者。焉知其是否妒我
而爲詞傷之。妒我者由服我而不可扳而來。語云。
未負天心終好漢。不經人妒是庸才。此之謂也。須
知世事無常。滄桑瞬息。毋庸拘此小節。生死事大
。尚可置之泰然。何況此事乎。抱道唯一。雖世態

萬殊。仍自本衷。此修真者所當爲也。

第七章 證道篇

道證玄覺 永樂無憂 白雲是侶 玄鶴爲儔
逍遙歲月 嘯傲千秋 不慕華廈 居十二樓
青山不老 綠水無愁 慈悲一念 無冤無仇
江山萬里 安步瀛洲 唯能若是 夫復何求
爲至達道 禹域暫留 行圓功滿 逕赴丹丘

此篇所述。爲行道之至果。到此境界。直可不食人間烟火矣。篇中文義。衆等可先參悟。然後細詳。方易瞭解。行道難。實則非難。其所難者。爲情欲所障耳。茲篇所述。未嘗言情言欲。緣其應已忘懷。故能白雲爲侶。玄鶴爲儔。是已脫離俗境。能卓然不爲塵網所羈。視聽悉能怡悅也。然。人生世上。競逐浮華。生得失心。由是煩惱俱來。難於擺脫。衆念一向。爭亂紛乘。遑論清修。處爾虞我詐唯

得是私之境。身亦與之。何以修爲。故行道難矣。唯真修之士。既不是圖。則行道不難矣。衆等意又如何。

第八章 玄覺篇

大道圓融。善始善終。識此中趣。永樂無窮。既登覺岸。長慕玄風。心無積念。百慮俱空。毋得毋失。若癡若聾。度人度己。若得殊功。忘懷物我。謹守寸衷。闡化中外。道運昌隆。濟衆利物。德望尊崇。雖住塵宇。如在天宮。

修真者於參悟玄微之後。貴乎身體力行。始終如一。於光怪陸離之塵境中。屹然矗立。不爲外物所移。不爲風霜雨雪所欺。浩然之氣。與天地長存。心無積慮。得真清靜境。已達達人。願諸有緣。同證道果。亦吾初衷所期也。前示經者徑也。徑宜坦平。庶無步履之艱。人人可知。人人可行。本經亦抱

此旨。文字力求顯淺。且義理於常情中可尋。以期觸類旁通。容易明白。容易印證。由悟而行。自易爲功。衆等暇時宜多玩味。自獲進益。讀經宜多方聯想。尤可增加涉世見識。宜方宜圓。宜柔宜剛。宜取宜捨。宜進宜退。如見南針矣。純陽孚佑帝君與行妙道天尊天運庚申年七月之望。玄覺真經終。

跋

純陽師降玄覺真經於塵寰。言淺意深。堪爲學道之津梁。爲修真者之南針。亦足爲經世之寶筏。回溯當年懇求呂師賜經之日。同侶正值研經探玄最爲奮發之時。迨後各爲生涯。聚少離多。乃至耽延歲月。雖每屆朔望之期。雲趣軒中仍多聚會。但亦未嘗即續降經。近值港中雲趣軒行將遷址。師應衆請。績降經成。余喜爲述其本末。尚望後之學者。珍重誦持。則他日功成。必可待矣。庚申七月之望。

雙卿謹跋於香港雲趣軒。

玄覺真經者。爲暗室之明燈。爲迷途者之南針。呂祖師爲降是經。詞簡意明。俾後之學者易於領悟。坐言起行。遵循有自。實深慶賴也。龍門弟子感恩至重。今日經成。行將付梓。余值其會。謹誌數言。以跋其後。

龍門邱長春庚申年七月於雲趣軒。

要道只在尺素。能得其主旨。便可以度世行道。以至成道。或云。道在不言中。或云。道在寸心上。此皆指能領悟其要而云。今呂祖師降玄覺真經。實可稱爲修真指要。而與處世之道並行不悖。珍誦力行。必成正果。後學君子。幸莫失諸交臂。庚申八月琼宮真人謹跋於香港雲趣軒。

余曩入道之初。閱誦經文。不求甚解。迨呂祖師命

設研經閣之後。並囑精研各經義理。由太上道德經始。以及濟煉幽科等經。深蒙呂祖師開導。每於義理有所疑惑之處。或對誦經科儀是否正確。衆議不決之時。得呂祖師暨諸仙佛詳予闡釋。及至解却疑團。洞明義理爲止。自是而後。對研經之興趣大增。惟余之文學基礎不良。讀經頗感困難。又念往昔呂祖師曾先後有至寶真經。瑯玕寶卷與張三峯祖師玄素經等之賜。乃竭誠月懇求呂祖師賜經一卷。以爲修持之則範。既蒙呂祖師俯允所請。並與諸仙佛賜予序文多篇。及首篇明道。降示於雲鶴山房。時丁巳秋也。後此中輟多時。余以私務遠適澳洲。而留港諸同道亦各隨其緣而少於雲鶴山房聚會。癡道人玄默以店務多駐九龍。因是便利。同修等常臨雲趣軒。論道談玄。或習玄功。每至通宵達旦。樂而不疲。邇復舊事重提。懇呂祖師續賜玄覺真經。三閱朔望。賜經始成。余恭誦之餘。喜其字句淺白而含意甚深。且能於日常見聞之事物中觸類旁通。處

處可得印證。修真處世。俱可作為南針。但願讀經君子。各有所得。各有所成。同證大道。同返仙鄉。研道人信德謹跋。庚申八月於香港雲趣軒。

『要道不過尺素上。足以度世。不用多也。』旨哉鄭仙斯言。今呂仙翁降玄覺真經。言淺意深。迥異尋常之奧祕難解而使誦經者囫圇吞棗莫知所云者。是經世情道法。兩相圓融。豈只為修真者之津梁。抑亦經世者之南針也。余拜誦之餘。謹書數言為跋。庚申年秋。蔡玄默拜跋。

大道圓融。善始善終。此玄覺篇之首二句也。回想當年純陽祖師首降明道篇之時。正值眾同門談玄論道最為深入之際。每有不明之處。務究其竟。或求仙佛啓其愚昧。及後緣會聚散。至經成之日。同研大道而仍本其初衷者能有幾人。足見善始善終行道

之難矣。今日經成有感。故借大道圓融。善始善終兩句恭跋於後。庚申八月弟子梁崇仁恭跋。

純陽祖師降示玄覺真經既成。余拜誦之餘。深感其詞句簡淺而義理深奧。且能於日常接觸之事物中索得旁證。發人深省。尤便海外華僑參悟。誠為研玄處世兼用之南針也。庚申秋。弟子李崇瑛恭跋於紐約回風仙館。

香港送經處：

香港九龍鑽石山荷里活廣場二樓207鋪

電話：二三六六零三八九

傳真：二三六九零六一四

抱道堂香港北角書局街廿三號十八樓

電話：二五六三二六七四

仁楓洞荃灣眾安街一佰一十號三樓

電話：二四九二二零零二

雲鶴山房香港鰂魚涌濱海街七十六號二樓

電話：二五六五五五九零

省善真堂香港九龍倫街七至八號

電話：二三三六九七一五

經 真 覺 玄

T	多	華	多	M	T	7	,	L	T	加
e	倫	埠	倫	5	o	,		u	o	拿
1	多	達	多	T	r	D		k	r	大
:	道	士	市		o	'			o	贈
4	教	街	中	1	n	a		H	n	送
1	六	七	心	J	t	r		o	t	處
6	合	號		8	o	c		p	o	:
'	聖	地		,	,	y				
5	堂	下		C	O			S	T	
9				a	n	S		i	a	
7				n	t	t		n	o	
'				a	.	r		g	i	
9				d	e			s		
6				a	e			T	t	
0					t			o		
9					,			n		
								g		
								H		
								a		
								l		
								l		